

SLUŽBENI GLASNIK OPĆINE BREZA

Godina VI Broj: 1

Breza, 15.03.2004.godine

Na osnovu člana 41. stav 1. Zakona o pravobranilaštvu ("Službene novine Zeničko-dobojskog kantona", broj 6/98) i člana 49. Statuta Općine Breza ("Službeni glasnik Općine Breza", broj 1/99, 4/99 i 7/99), Općinsko vijeće Breza na sjednici održanoj dana 11.03.2004. godine, d o n o s i

O D L U K U **o osnivanju općinskog pravobranilaštva**

Član 1.

Općinsko vijeće Breza osniva općinsko pravobranilaštvo za područje Općine Breza, kao samostalan organ koji svoju funkciju vrši u skladu sa Ustavom, a na osnovu zakona, drugih propisa i općih akata koje preduzima mjere i pravna sredstva radi pravne zaštite imovine i imovinskih interesa Općine Breza.

Član 2.

Sjedište općinskog pravobranilaštva je u Brezi, ulica ZAVNOBIH-a broj 6.

Član 3.

Općinsko pravobranilaštvo ima pečat.

Pečat je okruglog oblika, prečnika 50 mm sa slijedećim sadržajem:
Bosna i Hercegovina, Federacija Bosne i Hercegovine,
Zeničko-dobojski kantona, Općinsko pravobranilaštvo Breza.

Član 4.

Općinsko pravobranilaštvo vrši poslove pravne zaštite imovine i imovinskih interesa Općine Breza, njenih organa, drugih općinskih organa i fondova, koji imaju svojstvo pravnog lica, a finansiraju se iz Budžeta Općine Breza ili u odnosu na njih općina vrši osnivačka prava.

Općinsko pravobranilaštvo vrši poslove pravne zaštite, imovine i imovinskih interesa javnih preduzeća i drugih pravnih lica koje je osnovala općina.

Član 5.

Općinsko pravobranilaštvo zastupa Općinu Breza pred stranim sudovima, arbitražama i drugim stranim državnim organima i organizacijama ukoliko načelnik Općine Breza drugačije ne odluči.

Član 6.

Funkciju općinskog pravobranilaca vrši jedan pravobranilac, koga imenuje i smjenjuje načelnik Općine uz potvrdu Općinskog vijeća Breza.

Član 7.

Sredstva za rad općinskog pravobranilaštva obezbjeđuju se iz budžeta Općine Breza.

Član 8.

Unutrašnju organizaciju općinskog pravobranilaštva utvrdit će općinski pravobranilac Pravilnikom o unutrašnjoj organizaciji općinskog pravobranilaštva uz saglasnost načelnika Općine Breza u roku od 30 dana od dana donošenja ove Odluke.

Član 9.

Na radne odnose službenika i namještenika općinskog pravobranilaštva primjenjuje se Zakon o državnoj službi u FBiH ("Službene novine FBiH", broj 29/03), kao i Zakon o radnim odnosima i plaćama službenika u organima uprave u FBiH.

Član 10.

Stupanjem na snagu ove Odluke, stavlja se van snage Odluka o osnivanju zajedničkog općinskog pravobranilaštva broj: 01/1-08-225/98 od 05.11.1998. godine.

Član 11.

Ova Odluka stupa na snagu danom objavljivanja u Službenom glasniku Općine Breza.

Broj: 01/1-02-427/04
Breza, 11.03.2004. godine

PREDSJEDAVAJUĆI
Općinskog vijeća
Jakub Dinarević, s.r.

• • • • •
BOSNA I HERCEGOVINA
FEDERACIJA BOSNE I HERCEGOVINE
ZENIČKO - DOBOJSKI KANTON
OPĆINA BREZA
- Općinsko vijeće -

Broj: 01/1-02-429/04
Breza, 11.03.2004. godine

Na osnovu člana 48. Statuta Općine Breza ("Službeni glasnik Općine Breza", broj 1/99, 4/99, 7/99) i člana 42. Poslovnika o radu Općinskog vijeća Općine Breza ("Sl. glasnik Općine Breza", broj 9/99), Općinsko vijeće Breza, na sjednici održanoj dana 11.03.2004. godine, d o n o s i

P R O G R A M R A D A

Općinskog vijeća Općine Breza za 2004. godinu

A) OPĆE ODREDBE

Nadležnost, djelokrug rada, prava, obaveze Općinskog vijeća utvrđena su Ustavom Federacije Bosne i Hercegovine, Ustavom ZE-DO kantona, Zakonom o lokalnoj samoupravi, Statutom Općine Breza i Poslovníkom o radu Općinskog vijeća Općine Breza.

Programom rada Općinskog vijeća utvrđuju se poslovi i zadaci Vijeća, njihov osnovni sadržaj i način izvršavanja. U izradi Programa rada Općinskog vijeća pošlo se od Programa rada Općinskog načelnika.

U toku 2004. godine Općinsko vijeće će, na osnovu akata ovlaštenih predlagača nastaviti sa normativnim uređivanjem isključivih nadležnosti Općine.

Općinsko vijeće će poštujući proceduru propisanu u Poslovniku o radu Općinskog vijeća uzimati u razmatranje nacрте i prijedloge akata ovlaštenih predlagača. Osim toga, Vijeće će zavisno od aktuelnog trenutka od pojedinih organa zahtijevati iniciranje i predlaganje pojedinih propisa zavisno od njihovih planiranih aktivnosti.

B) TEMATSKI DIO

I - STUDIJSKO ANALITIČKI POSLOVI:

1. Izrada strategije razvoja Općine Breza.

NOSILAC ZADATKA: Predsjedavajući Općinskog vijeća, Općinski načelnik,
Općinske službe za upravu i predsjednici
Klubova parlamentarnih stranaka.

R O K: septembar 2004. godine.

2. Program rada Općinskog vijeća Općine Breza za 2004. godinu.

NOSILAC ZADATKA: Predsjedavajući Općinskog vijeća,
Sekretar Općinskog vijeća i predsjednici klubova,
vijećnika i predsjednici radnih tijela Općin.vijeća (komisije).

R O K: februar 2004.godine.

3. Informacija o upisu učenika u prve razrede osnovnih i srednjih škola na području Općine Breza.

NOSIOCI ZADATKA: Služba za opću upravu i finansije

R O K: oktobar 2004. godine.

4. Informacija o postignutom uspjehu u učenju i vladanju učenika osnovnih i srednjih škola na području Općine Breza.

NOSIOCI ZADATKA: Služba za opću upravu i finansije

R O K: oktobar-novembar 2004. godine

5. Informacija o stanju u oblasti kulture i sporta na području Općine Breza.

NOSIOCI ZADATKA: Služba za opću upravu i finansije u saradnji sa
Sportskim savezom Općine, udruženja i klubovi u
oblasti kulture i sporta.

R O K: maj 2004. godine.

6. Program uređenja građevinskog zemljišta

NOSIOCI ZADATKA: Služba za prostorno uređenje, zaštitu
okolice, geodetske i imovinsko-pravne poslove,

ROK: maj 2004. godine.

7. Program obavljanja komunalnih usluga zajedničke komunalne potrošnje.

NOSILAC ZADATKA: Služba za prostorno uređenje, zaštitu okolice,
geodetske i imovinsko-pravne poslove,

R O K: maj 2004. godine.

8. Program pripreme i održavanja kulturnih, zabavnih i sportskih manifestacija, koje se planiraju organizirati u 2004. godini od strane Općine Breza.
NOSILAC ZADATKA: Općinski načelnik.
R O K: april 2004. godine.
9. Program rada Općinske izborne komisije za 2004. godinu (Izborna godina).
NOSILAC ZADATKA: Općinska izborna komisija.
R O K: februar 2004. godine.
10. Program zaštite čovjekove okoline Općine Breza
NOSILAC AKTIVNOSTI: Služba za privredu, obnovu i razvoj i Služba za prostorno uređenje, zaštitu okoline, geodetske i imovinsko-pravne poslove
ROK: juli 2004. godine.
11. Šestomjesečni izvještaj Općinskog načelnika o provođenju općinske politike, izvršavanju općinskih propisa i drugih poslova iz svoje nadležnosti.
NOSILAC ZADATKA: Općinski načelnik
R O K: juli 2004. godine
12. Izvještaj o održanoj kulturno-zabavnoj i sportskoj manifestaciji "BAZENIJADA 2004. godine".
NOSILAC ZADATKA: Općinski načelnik.
ROK: oktobar 2004. godine.
13. Donošenje Odluke o načinu upravljanja Sportskim centrom "Partizan".
NOSILAC ZADATKA: Općinski načelnik,
Služba za prostorno uređenje
R O K: maj 2004. godine.
14. Informacija o stanju privrede i provedene privatizacije na području Općine Breza.
NOSILAC ZADATKA: Služba za privredu, obnovu i razvoj.
R O K: Stalan zadatak.
15. Informacija o rješavanju pitanja vodosnabdijevanja na području Općine Breza, te zauzimanje stavova smjernica i po potrebi donošenje konkretnih akata u vezi realizacije projekta vodosnabdijevanja.
NOSILAC ZADATKA: Općinski načelnik i Služba za privredu, obnovu i razvoj.
R O K: Stalan zadatak (do okončanja projekta).
16. Informacija o daljem upravljanju objektima i lokalitetom Izbjegličko-prihvatnog centra Smrekovica.
NOSILAC ZADATKA: Općinski načelnik u saradnji sa Ministarstvom za ljudska prava i izbjeglice.
R O K: februar 2004. godine.

17. Informacija o realizaciji zaključaka Općinskog vijeća Breza.
NOSILAC ZADATKA: Stručna služba Općinskog vijeća.
ROK: šestomjesečni izvještaj.

II - NORMATIVNO-PRAVNI POSLOVI

1. Odluka o izmjenama i dopunama Statuta Općine Breza.
Po usvajanju Amandmana na Ustav ZE-DO kantona
NOSILAC ZADATKA: Stručna služba Općinskog vijeća.
R O K : po usvajanju Amandmana.
2. Odluka o izvršenju Budžeta Općine Breza za 2003. godinu.
NOSILAC ZADATKA: Općinski načelnik - Službe za opću upravu i finansije.
R O K: april-maj 2004. godine.
3. Odluka o uslovima i načinu dodjele gradskog građevinskog zemljišta u državnom vlasništvu i osnovama i mjerilima za utvrđivanje naknade za dodijeljeno zemljište, naknade za troškove uređenja i naknade za korištenje građevinskog zemljišta.
NOSILAC ZADATKA: Služba za prostorno uređenje, zaštitu okoline, geodetske i imovinsko-pravne poslove
R O K: februar 2004. godine.
4. Odluka o načinu održavanja zajedničkih dijelova stambenih zgrada.
NOSILAC ZADATKA: Služba za prostorno uređenje, zaštitu okoline, geodetske i imovinsko-pravne poslove
R O K: septembar 2004. godine.
5. Odluka o načinu upravljanja i korištenja stanova izgrađenih iz sredstava berlinskog Senata i Ministarstva vanjskih poslova (DEZA Švajcarska).
NOSILAC ZADATKA: Služba za privredu, obnovu i razvoj i Služba za prostorno uređenje, zaštitu okoline, geodetske i imovinsko-pravne poslove.
R O K: mart-juni 2004. godine.
6. Nacrt Odluke o Regulacionom planu industrijske zone Potkraj.
NOSILAC ZADATKA: Služba za prostorno uređenje, zaštitu okoline, geodetske i imovinsko-pravne poslove.
R O K: septembar 2004. godine.
7. Nacrt Odluke o Sportsko-rekreacionom centru "Hrasno".
NOSILAC ZADATKA: Služba za prostorno uređenje, zaštitu okoline, geodetske i imovinsko-pravne poslove.
R O K: septembar 2004. godine.
8. Donošenje Odluke o izradi stambeno-poslovne zone u Mahali.
NOSILAC ZADATKA: Služba za prostorno uređenje, zaštitu okoline, geodetske i imovinsko-pravne poslove.
R O K: septembar 2004. godine.

9. Nacrt plana Budžeta za 2005. godinu.
NOSILAC ZADATKA: Općinski načelnik, Služba za opću upravu i finansije.
R O K: oktobar-novembar 2004. godine.
10. Plan Budžeta za 2005. godinu.
NOSILAC ZADATKA: Općinski načelnik, Služba za opću upravu i finansije.
R O K: decembar 2004. godine.
11. Odluka o vatrogastvu
NOSILAC ZADATKA: Služba za opću upravu i finansije.
R O K: maj 2004. godine.
12. Odluka o prenosu prava korištenja i upravljanja nad vodoprivrednim objektima sa Općine Breza na JKP "Breza" iz Breze.
- Nosilac zadatka: Služba za privredu, obnovu i razvoj.
- Rok: septembar 2004. godine.
13. Odluka o određivanju procenta za utvrđivanje naknade za 1 m² građevinskog zemljišta u državnoj svojini koje se preuzima od ranijeg vlasnika.
- Nosilac zadatka: Služba za prostorno uređenje, zaštitu okolice, geodetske i imovinsko-pravne poslove,
- Rok: april 2004. godine.
14. Odluka o određivanju područja i uslova pod kojim se vrši umanjeње tržišne cijene eksproprisanog poljoprivrednog zemljišta za 2004. godinu
- Nosilac zadatka: Služba za prostorno uređenje, zaštitu okolice, geodetske i imovinsko-pravne poslove.
- Rok: maj 2004. godine.
15. Odluka o visini naknade za nepriznata uzurpirana zemljišta.
- Nosilac zadatka: Služba za prostorno uređenje, zaštitu okolice, geodetske i imovinsko-pravne poslove.
- Rok: maj 2004. godine
16. Odluka o vrijednosti 1 m² stambenog prostora na općini Breza.
- Nosilac zadatka: Služba za prostorno uređenje, zaštitu okolice, geodetske i imovinsko-pravne poslove.
- Rok: april 2004. godine.
17. Odluka o pristupanju izradi izmjena i dopuna Regulacionog plana "Centar".
- Nosilac zadatka: Služba za prostorno uređenje, zaštitu okolice, geodetske i imovinsko-pravne poslove.
- Rok: juni 2004. godine.
18. Zaključak o vrijednosti boda za utvrđivanje komunalne naknade za 2004. godinu.
- Nosilac zadatka: Služba za prostorno uređenje, zaštitu okolice, geodetske i imovinsko-pravne poslove.
- Rok: mart 2004. godine.

III - UPRAVNO-NADZORNI POSLOVI

1. Plan rada upravnih odbora javnih preduzeća i ustanova na području Općine Breza za 2004. godinu osnovani odlukom Općinskog vijeća.
NOSILAC ZADATKA: predsjednici upravnih odbora javnih preduzeća i ustanova i direktori javnih preduzeća i ustanova.
R O K: april-maj 2004. godine.
2. Izveštaj o radu upravnih odbora javnih preduzeća i javnih ustanova osnovanih od strane Općinskog vijeća Breza, i poslovanje istih.
NOSILAC ZADATKA: predsjednici Upravnih odbora javnih preduzeća i ustanova.
R O K: april 2004. godine.

IV - STRUČNO-OPERATIVNI POSLOVI

1. Preporuka o saradnji Općinskog vijeća Breza sa drugim općinskim vijećima susjednih općina, u cilju rješavanja zajedničkih problema.
2. Preporuka vezana za realizaciju ustavne mogućnosti prijenosa kantonalnih ovlaštenja na općine.
3. Preporuka kojom se ukazuje na značaj obrazovanja kao bitnog faktora za razvoj Općine.
4. Preporuka vezana za unapređenje razvoja poljoprivrede na području Općine Breza.
5. Preporuka kojom se ukazuje na potrebu oživljavanja rada kulturno-umjetničkih društava na području Općine Breza.
6. Preporuka vezana za unapređenje rada amatersko-sportskih društava.
7. Preporuka o saradnji sa udruženjima građana, u cilju poboljšanja rada istih.
8. Pokretanje i razmatranje inicijativa pokrenutih od strane nadležnih općinskih službi, udruženja građana mjesnih zajednica koje se odnose na poboljšanju uslova života (infrastruktura, školstvo, zdravstvo, komunalije i dr.).

V - OSTALI POSLOVI

1. Izdavanje potrebnih saglasnosti na akte predviđene zakonom i drugim propisima.
NOSILAC ZADATKA: Općinsko vijeće.
R O K: po potrebi.

NAPOMENA: Ovaj Program je sačinjen, detaljno sagledavajući sve predviđene aktivnosti općinskog načelnika i Službi za upravu i djelokruga rada Općinskog vijeća Breza.

Općinsko vijeće će pored ovih redovnih poslova, ustanovljenih Statutom i Poslovníkom o radu Općinskog vijeća Breza, donositi odluke, rješenja, zaključke, naredbe, uputstva i preporuke, na prijedlog ovlaštenih predlagača, ukoliko se budu ukazivale takve situacije, te zauzimati stavove povodom rješavanja određene problematike iz djelokruga svoga rada.

.....

Na osnovu člana 42. stav 3. Zakona o pravobranilaštvu ("Službene novine ZE-DO kantona", broj 6/98), i člana 27. tačka 8. Statuta Općine Breza ("Službeni glasnik Općine Breza", broj 1/99, 4/99, 7/99), Općinsko vijeće Breza, na sjednici održanoj dana 11.03.2004. godine, d a j e

POTVRDU

na rješenje Općinskog načelnika broj: 01/2-34-92/2004 od 16.02.2004. godine o imenovanju **MLIVIĆ DŽENANE**, na poslove i zadatke zamjenika zajedničkog općinskog pravobranioca za područje Općine Breza.

.....

Na osnovu člana 29. tačka 5. a u vezi članova 106, 113, 116. Zakona o zaštiti i spašavanju ljudi i materijalnih dobara od prirodnih i drugih nesreća ("Službene novine Federacije BiH", broj 39/03), Općinski načelnik na prijedlog Službe civilne zaštite Općine Breza, d o n o s i

Z A K L J U Č A K

o osnivanju Općinskog štaba civilne zaštite

I - OSNOVNA ODREDBA

Član 1.

Ovim zaključkom osniva se Općinski štab civilne zaštite (u daljem tekstu: Općinski štab), kao stručno-operativno tijelo Općine Breza (u daljem tekstu: Općine) za zaštitu i spašavanje ljudi i materijalnih dobara od prirodnih i drugih nesreća, uređuje njegov djelokrug, unutrašnja organizacija, popuna, finansiranje, opremanje, obučavanje i osposobljavanje i druga pitanja od značaja za organizaciju i rad Općinskog štaba.

II - NADLEŽNOST OPĆINSKOG ŠTABA I NAČIN OSTVARIVANJA FUNKCIJE

Član 2.

Općinski štab je stručno-operativni organ koji je ovlašten za vršenje poslova koji su mu Zakonom o zaštiti i spašavanju ljudi i materijalnih dobara od prirodnih i drugih nesreća (u daljem tekstu: Zakon), stavljeni u nadležnost.

U vršenju poslova iz svoje nadležnosti Općinski štab funkcionira stalno, onda kada Općinski načelnik proglasi nastanak prirodne nesreće ili druge nesreće u Općini, a u periodu kada ne postoje prirodne ili druge nesreće, Općinski štab svoje funkcije ostvaruje povremeno, prema potrebi i to onda kada razmatra stanje pripreme, organizovanost, opremljenost i osposobljenost za zaštitu i spašavanje svih nosilaca zaštite i spašavanja na području Općine i predlaže mjere za dogradnju sistema zaštite i spašavanja i kada djeluje preventivno u cilju sprečavanja nastajanja prirodne ili druge nesreće i učestvuje u vježbama i drugim vidovima obučavanja i osposobljavanja.

III - ORGANIZACIJA I SASTAV OPĆINSKOG ŠTABA

Član 3.

Općinski štab čine komandant, načelnik i 9 članova.

Član 4.

Komandant Općinskog štaba je po položaju jedan od pomoćnika Općinskog načelnika.

Član 5.

Šef Službe civilne zaštite Općine, po položaju je načelnik Općinskog štaba.

Član 6.

Sekretar Općinskog Crvenog križa je po funkciji član Općinskog štaba.

Član 7.

Članovi Općinskog štaba iz općinskih službi i drugih institucija su:

1. Rukovodilac Službe za prostorno uređenje, zaštitu okolice, geodetske i imovinsko-pravne poslove,
2. Rukovodilac Službe za privredu, obnovu i razvoj,
3. Rukovodilac Stručne službe mjesnih zajednice,
4. Direktor Centra za socijalni rad Breza,
5. Komandant Vatrogasne jedinice RMU Breza,
6. Načelnik Odjeljenja odbrane u Brezi,
7. Direktor J.U. Dom zdravlja Breza,
8. Direktor Javnog komunalnog preduzeća "Breza u Brezi,
9. Direktor Rudnika mrkog uglja Breza d.o.o. Breza.

Član 8.

Komandanta, načelnika i članove Općinskog štaba postavlja i razrješava Općinski načelnik na prijedlog šefa Službe civilne zaštite koji je usaglašen sa rukovodiocima službi i institucija iz člana 7. ovog zaključka s tim što su rukovodioci dužni obezbijediti dosljednu primjenu kriterija iz odredbe člana 7. ovog zaključka.

Općinski štab vrši poslove iz svoje nadležnosti samostalno i za svoj rad je odgovoran Općinskom načelniku.

Član 9.

U izvršavanju složenijih zadataka zaštite i spašavanja Općinski štab može angažovati i druge državne službenike iz općinskih organa uprave i eksperte na profesionalnom radu u naučnim ustanovama i drugim pravnim licima.

O angažovanju lica iz stava 1. ovog člana odlučuje komandant Općinskog štaba, na prijedlog načelnika ili nekog od članova Općinskog štaba.

Član 10.

Sjednice Općinskog štaba saziva i njima predsjedava komandant Općinskog štaba.

U slučaju da je komandant spriječen da vrši svoju funkciju, sjednice Općinskog štaba saziva i predsjedava načelnik Općinskog štaba. Općinski štab će donijeti poslovnik o radu.

Član 11.

Općinski štab ima pečat koji se izdaje u skladu sa Zakonom o pečatu Federacije Bosne i Hercegovine ("Službene novine Federacije BiH", broj 2/94 i 21/96).

S A D R Ź A J

1. Odluka o osnivanju općinskog pravobranilaštva.
2. Program rada Općinskog vijeća Općine Breza za 2004. godinu.
8. Potvrda na rješenje Općinskog načelnika o imenovanju Mlivić Dženane na poslove i zadatke zamjenika zajedničkog općinskog pravobranioca za područje Općine Breza.
9. Zaključak o osnivanju Općinskog štaba civilne zaštite.



Izdavač: Općina Breza, Stručna Služba Općinskog vijeća, Ulica ZAVNOBIH-a br.6. telefon: 783-310, fax: 783-314.